

DUELLO

M 9

F

9


LEVI

GIORGIO ENRICO


Duelli


M. g. F. 9

M



~~August~~ ---







Arrest de la Cour de
Parlement contre
les duels.



A PARIS,
Par Mamert Patisson Imprimeur du Roy.

M. D. XCIX.

Avec privilege de sa Maiesté.





*ARREST DE LA COUR
de Parlement contre les duels.*



A Cour procedant
au iugemēt du pro-
cez criminel faict à
Hector Durandi &
Barthelemy Iully,
memoratiue de plu-
sieurs procez criminels iugez en icel-
le, pour raison des meurtres & homi-
cides commis & perpetrez en duel,
tant en ceste ville de Paris, qu'autres
lieux & endroits de ce ressort. Pour
obuier à la frequence desdicts meur-
tres & homicides, qui se commettent
ordinairement par ceux qui preten-
dent estre outragez & tellement in-

teressez en l'honneur, de paroles, ou de
 faict, qu'ils s'estimeroyent indignes
 de toutes charges publiques & hono-
 rables, desquelles ils se sont rendus ca-
 pables, s'ils n'auoyent tenté les moyés
 de venger leurs querelles par combats
 en duel. Contreuenans aux comman-
 demens de Dieu: n'estant loisible par
 les loix diuines ny humaines, recher-
 cher ny poursuiuir aucune vengeance
 que par les voyes ordinaires de la iu-
 stice. Ouy sur ce le Procureur general
 du Roy:

LADITE Cour a faict & fait inhi-
 bitions & defenses à tous subiets du
 Roy, de quelque qualité & condition
 qu'ils soyent, prendre de leur autho-
 rité priuee par duels la reparation des
 iniures & outrages, qu'ils pretendent
 auoir receus: ains leur enioint se
 pouruoir pardeuant les Iuges ordinai-
 res, sur peine de crime de leze Maie-

sté, confiscation de corps & de biens
 tant contre les viuans que les morts:
 Ensemble contre tous Gentils-hom-
 mes & autres qui auront appelé & fa-
 uorisé lesdicts combats, assisté aux as-
 semblees faites à l'occasion desdictes
 querelles, comme transgresseurs des
 commandemens de Dieu, rebelles au
 Roy, infracteurs des ordonnances,
 violateurs de la iustice, perturbateurs
 du repos & tranquillité publique. En-
 ioint ladite Cour à tous Gouverneurs
 des Prouinces, Baillifs, Seneschaux,
 Preuosts des Mareschaux, Vibailifs
 & Viseneschaux, & autres officiers du-
 dit seigneur, empescher lesdits duels,
 se saisir de ceux qui se trouueront aux
 assemblees, informer des causes &
 occasions d'icelles: & aux Substituts
 du Procureur general esdicts Baillia-
 ges & Seneschaucees, faire diligences
 qu'il soit procedé à leur requeste con-

tre eux comme criminels de leze Ma-
iesté : enuoyer au greffe de la Cour les
procèz verbaux & informations sur
ce faictes. Sera le present Arrest leu &
publié à son de trompe & cry public
par les carrefours de ceste ville de Pa-
ris, & faulxbourgs d'icelle : & enuoyé
aux Bailliages & Seneschauces de ce
ressort, pour y estre leu & publié. En-
joint aux Substituts dudit Procureur
general faire proceder à ladite publi-
cation, informer des contrauentions,
& certifier la Cour de leurs diligences
au moys. Faict en Parlement, & leu en
l'audience de la Tournelle, le vingt-
sixiesme iour de Iuin 1599. & publié
par les carrefours de ceste ville &
faulxbourgs, le troisieme Iuillet en-
suiuant.

Signé,

VOYSIN.



276207







